

Doarjjanjuolggadusat sámi mánáidgárddiide ja dáčča mánáidgárddiide main lea sámi ossodat

Mihttomearit ja ulbmilolahusa eavttut

Mihttomearri

- Mánáidgárdefálaldat huksejuvvon sámi gillii ja kultuvrii.
- Dáža mánáidgárddit main lea/t) mánáidgárdefálalda(ga)t huksejuvvon sámi gillii ja kultuvrii.

Ulbmilolahusa eavttut

- Sámi mánáidgárddiid lohku
- Dáčča mánáidgárddiid lohku main lea sámi ossodat
- Mánáidgárddiid raportereren dihto čađahuvvon doaimmain mat nannejit sámi mánáidgárdefálaldaga

Hálddašeapmi

Doarjahálddašeapmi galgá dávistit Stáhta ekonomijastivrema njuolggadusaide, ja Sámedikki bušehtii.

Sámedikki dievasčoahkkin mearrida juolludeami jahkásaččat Sámedikki bušehta bokte ja sáhtá válljet ángiruššansurggiid.

Sámediggi hálddaša ohcanvuđotortnegiid hálddahuslága mielde.

Ovttaskas mearrádusaid mat lea dahkkojuvvon dáid njuolggadusaid mielde sáhtá váidit Sámedikki váiddalávdegoddái, gč. hálddahuslága § 28.

Sámediggi almmuha doarjagiid Stáhta ekonomijastivrema njuolggadusaid mielde.

Doarjjaoažžu/Gii sáhtá ohcat

- Sámi mánáidgárddit
- Dáčča mánáidgárddit main lea sámi ossodat
- Mánáidgárdeeaiggádat/ álgaheadjit geain lea áigumuš ásahit ođđa sámi mánáidgárdefálaldaga

Ohcanáigemearri

Ohcanáigemearri lea 15.02.2016. Ohcamat mat leat sáddejuvvon dán dáhtona manjá eai oppa meannuduvvoje.

Gáibádusat ohcamii

Sámediggi
Áyivárggeaidnu 50
9730 Kárásjohka

telefuvdna: +47 78 47 40 00
www.samediggi.no
samediggi@samediggi.no

Ápningstider:
Mandag - Fredag
08:00-15:30

Ohcan sáddejuvvo Sámediggái ohcanáigemeari siste. Ohcamis ferte deavdit buot áiggis áigái gustovaš gáibádusaid mat gáibiduvvojit ohcanskovis. Ohcamat mat eai deavdde ohcaneavttuid hilgojuvvojit.

Meroštallannjuolggadusat

Vuođđomearri ossodaga nammii lea gitta 70 000 ru rádjai.

Vuođđomearri bearašmánáidgárdái lea gitta 45 000 ru rádjai.

Gitta 30 000 ru rádjai sámegielat bargi nammii olles virggis mánáidgárddis, ráddjejuvvo bajásguvlui guovtti sámegielat bargi nammii ossodagas. Oasseáigevirggiide addojuvvo doarja virggi sturrodaga mielde.

Sámedikki doarjagat sámi mánáidgárdddefálaldagaide galget geavahuvvot gokčat lassigoluid doaimmahit mánáidgárddiid fálaldaga mii lea vuođđuduvvon sámi gillii ja kultuvrii.

Dakkár golut sáhttet leat:

- Gokčat bálkká sámegielat bargiide
- Gokčat bálkká/goluid resursaolbmuide
- Gokčat goluid organiserema oktavuodas mat čuožžilit fáddábargguin mat ovddidit ja nannejit sámi giela ja kultuvrra.
- Oastin dihte geavahangálvvuid mat geavahuvvojit go čađaha plánejuvvon doaimmaid nannen dihtii sámi giela ja kultuvrra.
- Oastindihte stuorat dárbblaš rusttegiid mat geavahuvvojit pedagogalaš fáttáide čadnon sámi gilli ja kultuvrii. Investeremiid ferte ákkastallat. Dakkár oastimiid sáhttet dohkkehuvvon 15 000 ruvno rádjái.

Definišuvnnat

Sámi mánáidgárdefálaldat:

Rabas fálaldat buot mánáide Norggas oahppama, nannema ja ovddideami várás sámi gielas ja kultuvrras mánáidgárddis.

Sámi mánáidgárdi:

Mánáidgárdi mii njuolggadusaiguin lea mearridan ahte mánáidgárdi doaimmahuvvo sámi giela ja kultuvrra vuođu. Mánáidgárdi galgá nannet mánáid identitehta sápmelažžan dainna lágiin ahte dat ovddida sámegiela geavaheami ja gaskkusta sámi kultuvrra. Mánáidgárddi jođihit sámegielat pedagogalaš bargit. Mánáidgárddi bargit hállet sámegiela ja doaibmagiellan lea sámegiella.

Sámi ossodat dáža mánáidgárddis:

Ossodat mii lea mearriduvvon galgá vuođđudit doaimmas sámi gillii ja kultuvrii.

Mánáidgárdi galgá nannet máná identitehta sápmelažžan dan bokte ahte ovdánahttit

sámegeiela geavaheami ja sámi kultuvrra gaskkusteami bokte. Ossodaga bargit leat sámegeielagat ja doaibmagiellan lea sámegeiella.

Árvvoštallan ja vuoruheapmi ohcamiid gaskka

Ohcamat árvvoštallojuvvojit ekonomalaš, márkaniidguoski, tehnikkalaš, servodatlaš ávkki, dáiddalaš, fágalaš ja eará guoskevaš belliid vuođul, earret eará leago geavahusas vejolaš čađahit.

Ohcamiid árvvoštallamis deattuhuvvojit fágalaš sisdoallu, ámmátlašvuohta ja kvalitehta. Rapporterema váilun ovddit áššiin deattuhuvvo.

Ohcamiid meannudeami oktavuodas sáhtta Sámediggi árvvoštallat ohcci/doaimma guhkes áiggi birgenvejolašvuođa, stabilitehta, nanusvuođa ja čađahannávccaid. Sámediggi sáhtta viežžat kredihhtadieđuid ohcci birra.

Oppalaš eavttut

Doaibmabidju ii sáhte leat čađahuvvon dahje álggahuvvon ovdalgo Sámediggi lea ožžon ohcama. Erenoamáš ákkaid vuođul sáhtta spiehkastiit dán njuolggadusas.

Fitnodagat, institušuvnnat ja organisašuvnnat mat ožžot doarjaga, galget leat registrerejuvvon Ovttatregistarii Norggas.

Ohcci galgá addit Sámediggái buot dieđuid mat leat dárbblašlaččat vai sáhtta meannudit ohcama, dása gullet maid dieđut eará almmolaš doarjagiid birra.

Ohcci doaibma galgá dávistit gustovaš lágaide ja njuolggadusaide, dát guoská maiddái vearro-, divat- ja rehketoalloláhkaaddimii.

Maŋŋá doarjjamearrádusa sáhtta leat váldonjuolggadus ahte ii addojuvvo eanet doarjja seamma doaibmabidjui/prošektii.

Doarjjaoažžu galgá dieđihit ahte Sámediggi lea dorjon doaibmabiju/prošeavtta. Tilskuddsmottaker skal opplyse om at Sametinget har støttet tiltaket/prosjektet.

Mearrádus ja dohkkeheapmi

Doarjjareive galgá čállojuvvot Stáhta ekonomiijastivrema mearrádusaid mielde, gč. čuoggá 6.3.3.

Mearrádusas galget dasto leat dieđut váiddavejolašvuođa, váiddaáigemeari, váiddainstánsa birra ja lagabui dan birra movt váidit, ja dasto vuoigatvuođa birra geahččat ášši áššebáhpiriid, gč. § 27.

Doarjjaoažžu galgá ovdal go lea gollan 5 vahku doarjjareivve dáhtona rájes čálalaččat dohkkehit doarjjaeavttuid. Jos Sámediggi ii oaččo eavttuid dohkkeheami, sihkkovuvvo doarjja duođi eanet dieđitkeahttá. Sus guhte vuolláičállá doarjjaeavttuid, ferte leat fápmudus geatnegahttit fitnodaga/ ásahusa jna.

Gárvvistanáigemearri ja mañiduvvon áigemearri

Doarjja galgá geavahuvvot bušeahhtajagi siskkobealde.

Erenoamáš ákkaid vuodul sáhtá doarjjaoažžu čálalaččat ohcat guhkit áigemeari proševtta/doaibmabiju gárvvisteamái. Ohcan galgá vuodustuvvot.

Doarjjaoažžus lea vuogiatvuohtha oažžut áigemeari guhkiduvvot jos Sámediggi gáibida rievdadit proševtta mañná go dat lea álggahuvvon.

Rievdadusat doarjjaeavttuin

Mañnágo lea ožžon doarjjalohpádusa, de lea doarjjaoažžus alccesis geatnegasvuohtha dieđihit doarjjaeavttuid vejolaš rievdadusaid birra.

Doarjjaoažžu ii sáhte čađahit mearkkašahtti rievdadusaid guoskevaš proševttas dahje doaibmabijus ovdalgo lea čálalaččat dieđihan Sámediggái ja ožžon Sámedikki čálalaš dohkkeheami. Dohkkehuvvon ruhtadanplána ja investerenplána rievdadeapmi adnojuvvo álo mearkkašahtti rievdadussan.

EEO

Sámedikki doarjjaortnegat fertejit leat EEO-šiehtadusa njuolggadusaid rámmaid siskkobealde stáhta doarjaga ektui. Sámediggái gusket EEO-šiehtadusa mearrádušat seamma láhkai go stáhta- gieldda- ja fylkkahálddašeapmái dan ektui movt almmolaš doarjagat galget juolluduvvot.

EEO – njuolggadusat. Eai gusto doarjaga juolludeami oktavuodas organisašuvnnaide: Doarjja juolluduvvo EEO-šiehtadusa mearkkašmeahttun doarjaga njuolggadusaid mielde. Njuolggadusat unnibuš doarjagiid birra čuvvot skábmamánu 14. b. 2008 láhkaásahusa nr 1213. Dáid njuolggadusaid mielde ii sáhte doarjjaoažžu vuostáiváldit unnibuš doarjaga eanet go oktiibuot 200 000 Euro 3 rehketoalloyagi áigodagas.

Ovdalgo doarjaga sáhtá máksit ferte doarjjaoažžu duođaštit Sámediggái ahte ii oaččo unnibuš doarjaga eará sajis máksinjagi dahje guovtti ovddit jagiin mat oktiibuot Sámedikki doarjagiin gaskamearálaččat eai leat eanet go 515 000 Norgga ruvnu. Vejolaš ođđa almmolaš doarjjaohcamiid oktavuodas (beroškeahttá gos oažžu doarjaga) lea doarjjaoažžus geatnegasvuohtha dieđihit dán doarjaga birra. Dieđihangeasku gusto 3 rehketoalloyagi fáladatáigemeari rájes.

ESA sáhtta geatnegahttit Sámedikki gáibidit doarjaga ruovttoluotta doarjjaoažžus, jos doarjja ii leat geavahuvvon njuolggadusaid mielde dahje doarjjaoažžu ii geavat doarjaga dan ulbmili masa lea addojuvvon.

Máksineavttut

Jos doarjjaoažžu galggaš oažžut ruđaid, de ferte sáddet Sámediggái máksinávžžuhusa. Sus guhte vuolláičállá máksinávžžuhusa ferte leat fápmudus geatnegahttit fitnodaga jna.

Doarjja máksojuvvo čuovvovaš eavttuid mielde:

Doarjja mánáidgárddiide máksojuvvo ollásit manjá go doarjjaoažžu lea sádden máksinávžžuhusa..

Jos ohcci ovdal lea ožžon doarjaga Sámedikkis ja doarjjaoažžu lea rihkkon doarjjaeavttuid de sáhtta dat dagahit dan ahte máksimat bissehuvvojit dassázi eavttuid rihkkun lea nohkan. Muđui gusket njuolggadusat mat leat lágas "Lov om foreldelse av fordringer (foreldelsesloven)".

Raporteren ja bearráigeahčču

Sámedikki raporterenmála galgá geavahuvvot.

Doarjjaoažžu galgá raporteret ruđaid geavaheami birra ovdal guovvamánu 28.b.2017. Sámedikki raporterenmála galgá geavahuvvot.

Rehketdoallu ruđaid geavaheamis galgá čájehit ollislaš goluid ja dietnasa. Dasa gullet prošeavtta/ doaibmabiju eará vejolaš doarjagat ja dietnasat. Rehketdollui sáhtta váldit mielde dušše dakkár goluid ja dietnasiid mat njuolga leat čadnojuvvon prošeavtta/doaibmabiju čađaheapmái. Dalle go lea dohkkehuvvon gollogeahčastat galgá rehketdoallu leat fievrriduvvon nu ahte dan sáhtta buohtastahttit gollogeahčastagain. Storra spiehkastagaid dohkkehuvvon gollogeahčastaga ja rehketdoalu gaskka galgá kommenteret. Rehketdoalu galgá leat vuolláičállán jođiheaddji/ovddasvástideaddji.

Rehketdoalu ruđaid geavaheamis badjel 200 000 ru galgá stáhtaautoriserejuvvon dahje registrerejuvvon revisor duođaštit. Revišuvdna galgá čađahuvvot áiggis áigái gustovaš nationála ja riikkaidgaskasaš revišuvdnastándárddaid vuođu. Revisora galgá identifiseret rehketdoalu ollislaš goluid ektui mat čatnasit doarjgii ja vejolaš geavatkehtes ruđaide. Dasa lassin ahte rehketdoallu lea čađahuvvon válddahuvvon rehketdoalloprinsihpaid vuođu, galgá revisor duođaštit ahte dat eavttut mat gustojit guoskevaš doarjaga geavaheapmái leat ollašuhthtojuvvon.

Doarjjaoažžu gii lea registrerejuvvon momsaregistaris, galgá rehketdoalus čájehit goluid ja dietnasiid momssa haga. Dát ii guoskka sidjiide geat leat luvvejuvvon

momsadivadis dahje ožžot spiehkastit momsadivada rehkenastimis.

Jos loahpalaš golut prošeavtta/doaibmabiju rehketoalus leat unnit go dohkkehuvvon gollogeahčastat mearrádusas, sáhtta Sámediggi oanidit doarjaga vásttolaččat.

Sámediggi ja Riikarevišuvdna sáhttet bearráigeahččat geavahuvvojit go ruđat eavttuid mielde, gč. juolludusnjuolggadusaid § 10 nuppi lađđasa ja riikarevišuvdnalága § 12 goalmmát lađđasa.

Doarjaga ruovttoluotta máksin ja sihkkun

Prošeavtta gárvviteami oktavuođas galget geavatkeahces doarjjaruđat máksojuvvot ruovttoluotta Sámediggái.

Sámediggi sáhtta gáibidit doarjaga ruovttoluotta máksojuvvot jos dat lea máksojuvvon menddo ollu.

Sámediggi sáhtta geassit doarjjalohpádusa ruovttoluotta dahje gáibidit ahte doarjja máksojuvvo ruovttoluotta jos:

- doarjjaoažžu lea rihkkon dieđihangeaskku
- doarjja ii geavahuvvo daid eavttuid mielde mat leat mearriduvvon doarjjareivves
- doarjja ii leat geavahuvvon juolludusa ulbmila mielde
- lea gáibiduvvon heaittiheapmi, ovddiduvvon reastaluvvangohčus, priváhta dahje almmolaš vealgešiehtadallamat leat rahppojuvvon doarjjaoažžu ektui dahje doarjjaoažžu heaitá máksimis máksámušaidis
- doarjjaoažžu eará láhkái stuorrát lea rihkkon dáid njuolggadusaid mearrádusaid

Jos doarjjaoažžu dákkár oktavuođain ii mávsse ruovttoluotta, de sáhtta Sámediggi rievtti bokte gáibidit dan mii lea buorin máksojuvvot. Jos ruđat eai máksojuvvo ruovttoluotta áigemeari sisa mii lea biddjojuvvon, de sáhtta gáibidit maŋŋoneami ovddas reanttuid vel lassin, gč. lága “lov 17. desember 1976 nr. 100 om renter ved forsinket betaling mv.”.

Evalueren

Sámediggi galgá jeavddalaččat árvoštallat oažžun dihte dieđuid dan birra ahte leat go doarjjaortnegat beaktilat resursageavaheami, organiserema ja mearriduvvon mihttomeriid ektui.